


CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
DEC 17 1940

29

T 3222/0.83.2



福建續志卷六十七

哈佛大學漢和  
圖書館珍藏印

列女九

延平府

國朝

節孝

江氏汪綸妻年二十二而寡子烈甫四歲母憐其貧  
勸他適不從守節撫孤年七十餘人罕見其面

吳氏鄒國恩妻夫亡孤周謨幼氏慟哭幾絕欲以身  
殉姑撫之曰爾志堅矣如呱呱何氏遂篝燈夜績  
奉姑教子周謨戊子登賢書姑年八十七卒氏哀

前卷系一  
卷二十一  
毀七日隨卒

張氏庠生王武妻初武艱嗣氏三爲納妾夫死僅妾  
遣子二妾皆他適氏守節鞠孤不啻已出三十年  
如一日

葉保卿俞大訓妻年二十一夫故誓死守節事姑以  
孝教子成立

張氏庠生俞大本妻大本故子士旂生未週姑且老  
氏斷髮守志擇師教子建坊 旌表

黃氏萬應海妻年十八夫亡貞肅自守足不踰閩父  
成樂欲堅其志旦夕造門獎勵年八十八卒

賴氏生員練錦標妻有姿德夫癯輕氏氏不爲戚年  
十八失所天無子有皎節事舅姑純孝

黃氏朱運熙妻生子智臨甫九月而夫故氏年二十  
矢志守節孝事庶姑其媳亦有崔婦乳姑之風

朱氏楊其芳妻年二十二夫亡一子繼卒甘貧守志  
撫稚孫各有成就

陳氏魏雲鼎妻生子香世在襁褓雲鼎患瘵氏力持  
弗懈及疾革謂氏曰汝少孤雛守否自裁氏痛不  
欲生矢志勿二聲不聞闕外人稱賢節

駱氏庠生徐一德妻夫喪矢志堅貞奉舅姑以孝撫

幼子以慈嘗夜有盜至門氏登屋號呼鄉人起援  
寇退人多其智年七十三卒

陳氏練韜妻德性溫良治家勤儉年二十夫亡柏舟  
自矢中年子復歿節操愈勵孝事舅姑和睦妯娌  
克盡婦道

徐氏庠生何仕雲之母年二十四夫亡勵志守節課  
子成名

陳氏王錫璋妻夫亡年二十五子幼辛勤守節拮据  
撫孤五十載卒年八十

孀婦王氏姑先歿事舅惟謹家貧糴殮取辦臨時一

日晨炊無米舅至平日飯熟時寂不聞聲疑而問  
曰飯熟未婦婉辭以應已浙米矣更緩須臾耳夫  
實易米未歸也恐傷舅心將空甑熾火而炊卽此  
委婉其平日之孝養可知

嚴氏進士嚴自泰女年十六歸邑人邱易甫三載而  
易卒無子以夫弟之子爲後苦節自礪年五十四  
卒

葉氏黃成基妻年二十夫亡遺腹三月矢志靡他撫  
孤成立三十年如一日

以上南平

王氏孟孔衷妻二十三夫亡守節六十一載

張氏孟雲棟妻二十七孀居守節三十五年乾隆間旌

任氏高洪達妻年二十六夫歿守節五十七年子如峰妻羅氏二十四夫歿守節三十六年姑媳孀守冰心共勵里黨稱其一門雙節乾隆間旌

吳氏楊元榕妻年十九夫亡奉姑撫子心力俱瘁守節六十年子必名由拔貢歷官乾州知州乾隆間旌

任氏江廷桂妻年二十而寡孝以事姑嚴以課子歷節四十二年

陳氏周高生妻年二十三高生卒家貧無嗣惟耄舅及呱呱二幼女氏百計作苦以資衣食事舅盡孝足不踰闕守節五十餘年卒以上順昌

廖氏林人鳳妻二十二而夫歿舅姑俱老二孤皆幼氏終無他志舅姑歿賣屋營葬紡績課子讀書百苦備嘗人稱爲貞節之門

林仁娘貢生廖永齡側室年十六歸廖未數月而夫歿哀泣欲自盡嫡許氏救之獲甦日防範甚切許遺腹生子鋌鋌甫週而許又病歿林立志爲夫撫孤以至成立乾隆間旌以上將樂

黃英娘陳元治繼妻二十七而寡時值兵亂賦役甚煩氏處置得宜又設書田以貽後人臨卒跌坐如禪定

張氏盧萼妻年少守節巡按旌曰節凜冰霜

陳氏貢生鄧可受妻苦志孀守四十餘年撫孤成立備極艱辛

魏氏鄧奎郎妻年十九夫死無嗣甘心苦守以猶子生員鄧文輝爲子事舅姑無怠心待妯娌有容色年八十三卒

鄧氏生員林曰曜妻夫早死遺一男一女家無擔石紡績餬口苦節自甘

王氏李思國妻年十七夫死男孕三月家貧甚鄰婦有勸其他適者力拒之終不復與語毀形自誓勤女紅以育子年臻八旬人頌其貞烈

陳氏羅文錦妻年三十喪夫矢志自守敬奉舅姑養生送死無忝節孝

張氏林一鳳妻夫逝氏年十八子甫一週撫棺號泣欲殉舅姑止之曰殉固節也撫孤尤大氏乃棄其田產以葬夫仰天默祝願子成立全節以卒

余氏黃守慇妻年十八而寡孤方一週氏趾不踰閭

熒熒苦守年七十卒

黎氏楊叔蕢妻二十六而寡守貞甘貧撫教其子歷

三十餘載

李端娘羅粹生妻年二十八寡總家政教子姪惡言  
不出聲次子雲階庠生長媳姜氏姪媳許氏俱以

節聞

鄧氏李克壯妻年二十三克壯卽世氏上事老翁勸  
慰多方養葬如禮教子華國遊邑庠

楊氏鄧光興妻二十三歲夫歿守貧以十指爲養姑

教子費持節三十八年乾隆間 旌

廖冬姑高裕遠妻歸未一年而夫歿撫遺腹子有成

守節四十七載乾隆間 旌以上沙縣

王氏陳滄妻二十八歲夫歿撫孤守節卒年六十六

乾隆間 旌尤溪

陳氏賴大成妻二十三歲夫死守節五十六年嗣子

伯禩復歿妻江氏奉姑撫子孀守五十二年姑媳

貞潔冰心人稱一門雙節孝乾隆間 旌

鄧氏賴世績妻二十七而喪夫荼苦守貞歷四十五

年卒乾隆間 旌以上永安

已經 旌表節孝



黃氏林鎰妻乾隆間朱氏盧尙巖妻 高氏吳占千

妻 方氏呂聖任妻 連氏吳皇丁妻 余氏生員

張煇妻俱乾隆間樂氏曹有慶妻 張氏林長祺

妻乾隆間鄭氏陳湯道妻 廖氏王廷桂妻 陳

氏邢錫爵妻 朱氏邢英燦妻 陳氏李騰璘妻

鄧氏許增信妻乾隆間以上永安

貞烈

朱氏施二酉妻善事舅姑二酉業儒有潔癖婦事之  
惟謹戊子春郭天才兵入吉田婦為賊所獲欲污  
之不從賊怒殺之二酉痛哭罵賊而死

李氏延平知府周元文子兆熊妻事上孝待下慈夫

病亡從容易服閉門自經

管氏性貞淑配李某某年少遊蕩衣食不繼久而貧

益甚遂有餌以錢帛而思穿屋墉者氏厲色正容

以拒之不得已歸依母兄李屢欲嫁氏或強以不

堪氏堅決不從後見夫性行不悛一日晨起盥櫛

如常從容自刎以上南平

李氏范世仁妻于歸後相敬如賓年二十四夫死泣

拜舅姑曰媳未有子願事夫地下遂自刎順昌

鄧氏羅聘吾妻居家嚴整庚寅遇寇厲聲罵賊不受

其侮引頸就戮

練氏鄧斯謹妻以勤儉宅內政庚寅冬山寇突至氏避匿山中竟為搜獲罵賊不屈而死

陳婢姑方應泰妻兵至其家多方以犯之義不受辱遂遇害

張氏官夢麟母順治甲午賊攻官墩寨氏被執賊以為奇貨可居也食之以邀贖醵氏義不食厲言怒賊遂就義雍正間旌表建祠祀

鄧桂娘羅肇鼎妻年十六歸羅未三年而肇鼎歿視

殮含畢夜自經死時年十八

以上沙縣

蕭氏陳大德妻結褵一年而夫歿氏決意殉節為夫

立嗣以續宗祧踰年盥櫛素服自縊而死

陳氏李希天未婚妻希天歿氏聞訃哭泣即欲奔喪不得遂吞金環求死家人救愈翁聞之立長男次子為希天後攜拜陳門氏抱嗣子哀鳴復絕粒七

日死

永安

建寧府

節孝

陳氏張志縉妻志縉病劇氏禱天割股以療未幾夫歿毀容延喘孝事舅姑及舅姑逝嚙齧奩營葬課子

必勤守節四十餘年卒乾隆間 旌

林氏毛肇禮妻早歲夫亡投繯決殉得救不死且勸以撫孤為大氏忍死事姑黽勉撫稚子以延嗣續

甘貧守節四十餘年乾隆間 旌以上建安

周氏詹登賢妻年二十九而寡改粧毀容矢志勿貳事姑飲食盥嗽必親奉以進姑嘗語人曰此賢婦如孝子也切於課子膏火資皆自氏十指出二子

學皆有成乾隆間 旌

林氏陳朝機妻夫歿投繯者再又絕粒五日不死誓志撫孤守節數十年

陳氏吳廷採妻年二十二夫歿茹荼飲蘖守節五十

三年乾隆間 旌

滕氏謝培乾妻早歲夫歿矢志不貳勤儉撫孤守貞

數十年乾隆間 旌以上甌寧

彭氏江趙鑣妻十九歲夫歿女紅自給撫孤有成守

節四十八年乾隆間 旌

黃氏劉韜妻年二十四而寡誓志守貞事祖姑克盡

孝道撫二子俱有成乾隆間 旌

黃氏梁大順妻年二十四而寡冰操自勵足不踰閭

歷節四十六年乾隆間 旌

沈氏李振龍妻二十九歲夫歿以古貞婦自誓事孀姑撫弱息慈孝交至堅貞四十餘年乾隆間旌

以上建陽

徐氏幼失怙伯父撫之十五歸江崇學甫四載崇學

卒子朝柱方二歲氏教育有方長為邑諸生守節

六十三年卒

虞氏陳貴恒妻鄉賓夢弼之母也年未三十而寡蹈

禮守貞苦節七十年教子訓孫年登百有一歲建

坊旌獎

張氏廩生彭慎謨妻慎謨早逝氏年二十三矢節不

二年逾八旬屢經旌表

陳氏張伯顯妻年二十四而寡父母欲奪其志不從

全節以終其妯娒丁氏胡氏後遇賊俱以不污死

王氏諸生金庭高妻姑年老多病氏侍湯藥佐庭高

以孝聞時大疫氏脫簪珥市藥物賑鄰鄰甚德之

後庭高卒氏撫二孤終其節

丁氏諸生王琅母年十七而寡撫遺腹孤琅志行完

粹

朱氏吳人式妻生三子人式卒事舅姑盡婦道長子

死婦丁氏與姑同守節直指表以一門雙貞

丁氏黃應薦妻年十八而寡矢志不渝撫遺腹子教以成立直指李時茂旌其門

連氏劉觀賜妻夫歿守志不移甘貧撫子歷節三十二年乾隆間旌

吳氏潘廷雲妻早歲孀守事姑勤苦備至守節數十年乾隆間旌以上崇安

邱氏年十六嫁姚永治爲妾甫六載姚歿遺一孤二齡所有貲囊嫡妻罄捲改適四壁蕭然氏與七旬母女紅度日未幾姑復歿母屢勸嫁不可四十九歲卒乾隆間旌

徐許宋許字伍子文子文遠遊諸戚強之嫁遂自縊伯母救甦越十年子文歸完婚二載復出竟不歸且死無子氏以女工度日又十年而終

張氏舉人練文麟子天章妻年二十四夫故遺腹五月或勸改嫁氏曰婦從一而終况書香家婦乎遂斷髮爲誓孝事舅姑生男光祖撫養成立四十三歲完節而卒乾隆間旌

直氏張聯元妻十六于歸二十七而夫亡生子甫旬日氏矢志不二奉孀姑撫嬰兒完節四十三歲卒從祀節孝祠

張氏孫之遴妻之遴疾氏衣不解帶晨夕祝天願以身代及歿子袞甫五齡氏鞠育訓誨迄以成名從祀節孝祠

劉氏緞娘候官吳璋衛妻二十八孀居遺二孤時耿燹方熾氏挈二孤遠避於浦城二子復俱無祿僅遺一孫壽八旬而卒

宋氏廩生張伯驥妻子二長如愨次如恂一女如玉年十九未字驥歿總兵童四維者慕其色欲娶爲妾氏不可四維怒暗投軍器室中將陷之重賂始免而謀娶愈急如玉知不可回母女抱持哭遂相

易祝髮改書屋爲尼庵爲尼十載卒氏知書善教子如愨明經如恂弟子員今石鏡庵卽其母女守貞處也

黃氏莆田人性堅貞年十九適同里李奕生偕父買易浦城遂卜居城西賣腐爲生事父事夫必孝必敬父夫歿撫一子稍長失去食貧荼苦四十年如一日

詹氏周由忠妻由忠貧以舌耕有八旬祖姑病不能粒食氏以粥哺子以乳奉姑年二十五夫歿姑繼亡一月兩喪骨立措辦嘗泣謂幼子庠等曰吾所

以不卽從汝父於地下者爲汝故也時四壁如洗  
恃機杼度日閔鬻成立者三十餘載乾隆元年溪  
漲及閭氏猶閉戶不出雖艱苦備嘗而節孝彌篤  
以上  
浦城

陳氏范斐然妻二十歲夫歿老姑幼子形影相弔氏  
仰事俯育一身兼任其事苦節三十五年鄉里欽  
之乾隆間 旌松溪

范氏盧養聖妻生四子養聖病歿氏茹荼訓子長之  
麟游庠而天次之象繼亡長媳何氏次吳氏側室  
張氏一門四寡人無間言

林氏范秉睿妻年十八而寡苦志守節于不肖悲憤  
墜井而死

吳氏陳景芳妻景芳卒無嗣夫從兄欲令改適悉奪  
田園氏矢志甘守貧苦辛勤女紅自給年八十餘  
終

林氏龔氏者孝廉游應運妾應運卒二氏皆少艾各  
撫一孤守節四十年始終無玷

許氏倪有試妻年二十一夫喪獨遺一女或諷以無  
男不用守節氏哭曰未亡人何論男之有無竟孀  
居以終

江氏太學生范淑仁妻生二子嘉彥中彥甫孩童而  
淑仁卒氏年未三十苦節撫孤言不出閫壽九十

四

許氏王子明妻年二十七而寡遺男九齡貧甚辟纊  
度日後男復天教孫成立卒年七十七

陳氏庠生范士騏妻夫亡無嗣倚外家數十年全節  
以終

陳氏范光晨妻家貧氏勤紡績佐光晨奉親親不食  
不敢食不寢不敢寢舅姑歿獨事祖姑問寢視膳  
不懈祖姑病危氏剖股和湯藥以進因是得瘥人

以為孝感

陳氏吳文焜妻焜將死指二子謂陳曰以是累汝焜  
卒氏念吳家世業儒不可以姑息廢也且又夫命  
辛劬課子以慈母代嚴父者三十年二子學俱有  
成以上政和

已經 旌表節孝

鄭氏周允健妻 翁氏儒士林元綵妻俱乾隆間旌

毛氏陳樹星妻 徐氏儒士何鋒妻 藍氏賴際雲

妻俱乾隆間旌 呂氏謝必種妻乾隆間旌 丁氏倪元甲

妻 辛氏林希穆妻 貞女王氏 徐氏李潘德妻



廖氏陳士傑妻 衷氏暨復耀妻 汪氏暨文棟

妻俱乾隆間旌 李氏金履亨妻 李氏儒童王定妻

以上崇安 趙氏胡士龍妻 賈氏馮士章妻 劉

氏馮如光妻俱乾隆間旌 以上浦城 以上政和

未經 旌表節孝

劉氏張叶妻 秦氏張懿操妻 葉氏黃讓妻 范

氏何其魯妻 曹氏魏蕃烈妻 胡氏范鴻翥妻

歐氏王宇泰妻 趙氏張展業妻 吳氏葉芹妻

吳氏鄭宏彬妻 胡氏范世錦妻 陳氏劉壘友妻

周氏吳九日妻 鄒氏楊開林母以上政和

貞烈

侯氏周廷謨妻年十九夫歿痛不欲生遺腹生子撫

之及五載又殤氏悲痛入房賦十嘆詩以酒奠夫

靈投繯死乾隆間 旌寧

李毓秀廩生王新運妻新運就郡試氏省母病塗遇

賊賊將加辱氏罵賊而死

江氏暨壽富妻年二十五而寡山賊圍城幾被執氏

避之佛嶺民舍中先扼殺其子女隨自縊死

洪氏同子楊二浩為賊執賊索二浩金留氏以質氏

密語二浩曰善事汝父吾死必矣罵賊不辱賊磔

其屍

周氏庠生彭鶚薦妻鶚薦授經遠出氏奉姑家居山賊肆掠姑病氏扶之同行被執請曰寧殺我姑老矣逼之不從遂遇害

安氏彭國龍妻丙戌兵至自縊死

吳氏適范希若半載而希若死陳賊聞其少艾欲挾娶之姑懼終日哭氏度不免入寢房改粧出辭姑慷慨就道其姑心訝之入門持刃殺賊未遂跳躍而死後人始知其入房改粧時已服毒矣鄉人立碑以紀其節

周氏邛參妻參死慟哭幾殞勸以食踰月遺腹生一女氏抱棺號泣曰夫雖棄予予敢負夫乎不食數日卒

吳氏卅世振妻年二十爲賊所執義不受辱厲聲罵賊賊怒殺之

黃氏適王幼石業儒而貧爲父行役溺死氏聞之哭欲死遺腹生兒三歲爲薙髮拜夫靈是夜自刎啓其梳匣得詩曰常說死同穴於今問水濱團圓難負約今向劍頭伸以上崇安

徐福娘本姓沈年十八適農民饒又日有羅三槐者

值饒出欲污之厲罵不從脅以利刃不辱夫歸以告尋自縊鄰婦解之夜遂服毒而卒事聞建坊從祀節烈祠

林喜使翁允介妻允介母朱氏寡既娶氏介死一門兩寡林氏年二十五遺腹七月生男應祥艱辛備嘗延至七齡婦弟密圖再醮遂縊死

夏氏關良微妻縣民吳公文調戲致死蓋忿服毒守正不污捐軀明志乾隆間建坊

旌表

以上浦城

張氏趙秉和母居赤岐山寇竊發秉和甫七歲賊利趙氏財欲刦其子索贖氏曰趙宗祀恃此一綫妾

可殺兒必不可得挺身當之遭七刃立殂鄉人重氏義聞於官以兵勦賊秉和刦而復歸氏之力也

和政

### 邵武府

#### 節孝

黃氏庠生王錫榮妻夫早喪教子成名五十年操如一日順治間旌年七十五終

甯端娘何通妻性溫惠事舅姑以孝年二十七而通卒遂守節不二四十餘年中嘗躬親織以佐子讀年踰大耋而歿

李氏夫黃時達卒氏年二十七守制至八十三歲其  
間寒暑遷變歷幾盡矣

張氏夫陳瑜早喪氏年二十苦守不事膏沐聲不外  
聞遺腹產男撫養勤劬家貧績紡以延師事繼姑  
如親母女德俱全

李氏庠生危科之繼室長子非已出撫養如所生氏  
生次子衍芳訓誨有方翁姑俱之任氏獨居守鎖  
鑰親操絕不已私視諸姪猶子於先後間無間言  
焉衍芳妻王氏夫卒年二十有七慟傷幾至滅性  
其子一在襁褓一猶遺腹氏俱育之成立姑媳辛

苦計守節五十有九載

胡氏李廷煒妻煒死氏年二十三其子如日方穉氏  
多方撫育成立補邑諸生年閱九十而終

陳氏庠生熊明德妻年二十六孀守至七十占節無  
疵

劉氏鄧儉妻儉死劉拊棺哭曰吾孕三月倘生男必  
不負死者後果得男順治丁亥江西兵至肆掠驅  
劉氏母子行劉牽其子曰我十七歲守寡至今撫  
此一子今日母子一處死耳兵亂刃砍劉頂血出  
暈地兵去乃甦剪去血髮髡塗創二年始愈

朱蘭娘符用桓妻年二十八夫歿號呼欲以身殉舅  
姑急止之曰夫亡子幼撫孤勝於殉夫况我二人  
耄老耶氏強勉承命以媳代子職數十年課幼子  
尤勤守節三十四年而卒乾隆間 旌

黃氏諸生童瑜妻秉性純孝十八歲歸童越三載而  
夫歿霜節自矢食貧立繼以衍宗祧守貞數十年  
鄰里無有見其面者乾隆間 旌

黃氏江素書妻二十四而寡上事翁姑下撫稚子不  
辭勞瘁誓志益堅兒陳疇娶媳陳氏後又天痛至  
兩日昏眊陳事姑盡孝姑媳相依苦節數十年俱

乾隆間

旌以上  
邵武

李錦娘適庠生江筆彩而艱於嗣氏爲助買妾林氏  
生子宗海而妾死氏撫育不啻已出夫被難宗海  
方五歲氏年未三十家貧伶仃辟纊教子期於成  
立值兵戈擾攘氏毀容斂跡撫孤全節以終

黃氏配郭蛟甫五載而夫歿遺孤三日敬曰任曰時  
氏年二十有一哀毀踰常必欲從死舅姑暨父母  
泣諭曰而夫雖逝熒熒三子誰其撫之死節全孤  
孰優氏自是事舅姑益謹訓三子益篤值戊子兵  
荒備嘗艱苦舅姑旬餘相繼歿僕迯子幼喪盡哀

殯盡禮人莫不敬服

梁氏黃鎮中妻年二十四而夫卒哀慟欲絕翁姑孝病衣不解帶以奉湯藥及歿喪葬盡禮乾隆間旌

李氏梁明福妻年二十二孀守奉姑教子且撫孤姪如巳子宗族稱焉守節五十八年乾隆間旌

郭氏毛伯偉妻年二十八夫歿誓志孀守苦節五十二年卒乾隆間旌

黃氏配邑人危必奎事舅姑以孝聞生二子曰煥曰樞年未三十失所天值兵荒洊臻攜二孤歸母家朝夕紡績上飯母而下粥子糠粃自甘豪強知其賢而貧欲奪其志氏引刀指天誓以死殉里閭稱之

官氏梁大言妻年二十二孀居撫孤閨訓甚肅歷遭兵火矢志不移與子以死自期及庚寅復罹寇變嘗赴水以救免

邱氏黃祖珩妻年二十五而寡守節四十七年乾隆間旌

熊氏李雲瀚妻二十四歲夫死斷髮自誓教子孫成立雍正乾隆兩次賜粟帛乾隆十五年壽值百

歲而卒歷節七十六載人稱節壽之門朝命旌焉

張氏梅璣妻年二十五操守貞操三十五載乾隆間

旌以上  
光澤

高氏黃淵妻鄰居失火將及其廬翁柩在堂氏撫棺慟哭而火自止年二十三夫歿男梗纔三歲或欲奪其志誓死不從

何氏謝國徵妻年十九夫故無嗣撫繼子世傳成立孝事瞽姑雖廁穢必隨

余氏黃燭妻十七而寡遺孤孺生纔四十日守節事

姑以孝聞

楊氏李奇雍妻年十六雍病氏欲強詣父母不許氏曰安有所天病而不持刀匕者乎歸期月而雍卒氏猶未成婦也父母兄弟欲奪其志楊遂自經娣姒驚救之自是無敢以他言進者然居恒未嘗戚戚伯氏奇璧教其女問曰孀何以不愁楊曰守節婦人職也若見為苦難惡能守耶奇璧韙之孔廷娘丁貴鼎妻二十八夫亡矢志孀居孝事舅姑撫子士濂士濬怡怡有恭歷五世同居年九十七冰霜凜冽如一日

朱氏李寅妻寅早歿其兄與嫂又相繼夭俱無嗣越三年寅弟富又夭僅一子傑纔襁褓朱父母謂曰而家凶禍如此勞勞僅一孤誰與爲後而苦守爲乎氏泣曰兒雖無與爲後然與嬸共一姪猶兒後也且兒何忍舍姪因抱傑大慟未幾嬸又卒氏撫姪極有恩嫠居四十年閨門肅如也

何氏王寵妻寵年十五而病氏歸侍湯藥三月而寵亡氏年十四猶未成婦也父母謀改適氏以簪刺其喉示必死父母知不可強乃送歸自是遂絕跡母家

曾氏詹國宗妻年十九而寡無子後姑又凌虐之矢志不移越十餘年始得國定之子儁以承祧年七十五而終

王淑廖大器妻大器夭遺腹生女無可繼者舅姑逼之嫁氏以死自誓久之姒余氏舉子氏撫以爲嗣徐氏黃燧妻年十九而寡以從子都承嗣貞靜婉懿孀居五十餘年

艾氏丁兆祥妻事姑至孝體姑意奪已女之乳而乳幼叔早寡無子以夫弟之子妍彩爲後婉淑之德族黨稱焉



周氏庠生熊大捷妾年二十二而夫死遺孤國泰生  
僅兩月家值中落氏茹苦撫孤形影相弔孤稍長  
悉氏紡績佐讀姑程氏老而且瞽氏服勞盡養行  
坐不離左右

湯桂娘余萬祚妻年十八未育而寡泣誓爲夫守節  
斷葷酒撫繼子無異所生孀居三十五載

黃氏謝朝銘妻年二十五而寡遺孤五歲食貧守節  
常不能晨炊同居者遺以束薪氏不受曰非吾錢  
所市非吾子所採不以炊除夕囊無一錢其子未  
歸鄰人饋以酒肉薪米謝卻之其介然不苟如此

此子長能自立氏年八十三矣

范永選妻甯氏克脩婦職孝姑敬夫年屆三十舉一  
子而夫棄世氏茹荼撫孤年踰七十卒

吳大妹趙元文妻二十而寡家貧鬻釵珥操井臼以  
奉翁姑翁老且病湯藥悉氏親奉曰吾代夫以完  
子職遺孤三齡以養以教底於成立孀守三十六  
年乾隆間旌以上建寧

江氏楊某妻甲申春天災流行夫兄弟妯娌俱殞氏  
遺四孤伯遺三孤叔遺一孤皆幼氏咬指瀝血收  
撫羣孤饑寒疴痒一以誠求氏忘其非已子猶子

亦不識其非已母皆獲安全

羅氏江寬妻年十八而寬歿家貧無子富人謀娶誘以歸寧氏覺之乃斷髮誓曰吾頭可斷吾志不可奪孀居五十餘載未嘗啓口一笑有司上聞表宅李氏庠生馮朝明妻年十六干歸兩月而寡起臥隨姑刻步不離避亂登崖不用男子手引曰死即死矣安可違禮而苟活耶事姑以孝立嗣以慈年七十卒有司表厥宅里

江氏梁述妻述早卒遺子煥年數歲氏持孤守志貧苦自甘雖至親不輕接一談其精白居孀五十年

如一日年七十三卒

蕭氏梁萬里妻初為夫棄無怨言未幾萬里卒遺腹三月同堂危撼日生百方自全彌月生子山氏益含忍保護苦節六十二年而終以上秦寧

已經 旌表節孝

謝氏吳楚妻

陳氏龔于朝妻

李氏魏濱妻

俱乾隆

間旌

黃氏郭尚珣妻

危氏李時益妻

黃氏危

以上邵武

梁氏黃環仰妻

郭氏黃翔紫妻

何氏

方漢翔妻

龔氏高觀光繼妻

梅氏梁居易繼妻

李氏龔文宗妻

俱乾隆間旌以上光澤

蘇氏黃雲鵬妻

甯

氏王錫瓚妻

謝氏朱國瀚妻

熊氏涂景芳妻

饒氏涂景祐妻

李氏陳鶴峰妻

孔氏楊世儀妻

貞女張氏

張氏廖類璠妻

姜氏湯鴻儀妻

吳

氏聶萬鍾妻

黃氏儒童鄢尙賓妻

李氏生員朱

文倬妻

徐氏儒童朱文佩妻

俱乾隆間

江氏鄭

本醇妻

江氏陳啓新妻

俱乾隆間

旌以上泰寧

貞烈

晏氏張新甫妻奉侍姑嫜承歡菽水戊子年上寇猖


獮氏爲亂兵所獲義不污身伏刃自殺時年二十

有二武

楊氏適庠生馮肇先于歸三載值兵至避難預將所

弄釵環分給諸人以銀鐲付媼令交肇先曰余爲

君子全節願善昧遺物以當未訣言訖投崖而死



福建續志卷六十八

列女十

汀州府

國朝

名媛

李氏廩生雷鳴高妻鳴高家故貧授徒於外氏事祖  
 姑奉尊章相夫子咸得其懽心生男女五人皆自  
 乳哺供爨餼浣滌之勞久歷艱辛無幾微見於色  
 及子鉉官左副都御史亦無矜容居恒衣布鉉敬  
 奉賜帛製衣珍藏之非慶賀節不服嗣蒙

賜御書萱榮綏祉扁額氏益感戴訓鉉以勤慎居官  
仰報恩德凡鉉所樹立皆母教也累封太夫人  
年八十二卒

鄒氏馬龍興妻龍興貧乞於道氏父欲另擇婿將納  
采氏恚曰彼雖貧吾夫也死不可奪乃歸龍興服  
勤力作遂成厥家

### 節孝

林氏胡春芳妻年十八而寡苦志撫孤守節數十年  
子光裕諸生

熊氏監生鍾復妻事姑孝姑病割股肉以進病尋愈

孫氏謝永泰妻年二十四寡家貧立志撫孤次子曰  
俊以諸生從戎功署廣西武宣縣令

吳氏涂壽衢妻年二十而寡勵節六十餘年

王氏監生馬維旻妻二十八而寡苦節自持事翁姑  
以孝課孤力學子魁為諸生

范氏鄒廷焜妻夫歿家貧織紡奉姑以孝聞

董氏康夔妻夫歿家貧苦節四十餘年

胡氏諸生王之相妻夫死勵節撫孤守節數十年

吳氏鄭時敷妻年二十二而寡事耄姑育孤女辛劬  
備至人服其苦節

周氏陳汝章妻夫亡勵節七十年

謝氏朱永祥妻夫歿茹苦飲冰年七十八卒

葉氏段茂予妻夫歿撫子毓素成立年七十七卒

黃氏廩生曾道宏妻道宏以苦學夭氏年二十一絕粒不死乃守志撫孤六十六卒

王氏胡士錦妻年十八夫歿無子矢志全貞爲夫立後嗣子行爲諸生

江氏馬大蕃妻夫外出氏服勤養姑夫死事姑愈篤人稱純孝

鄒氏馬伯逢妻年十七夫病草憐其無子囑令改適

氏截髮自誓以節終

郭氏諸生許麟母夫死勵節數十年

范氏張振揚妻年二十四而寡七十而終克完大節

唐穩娘諸生王天昌妻事姑育子以節終

賴氏范勝宇妻守節撫孤以節壽終

劉氏胡九如妻夫死守節矢志靡他年六十卒

胡氏曾其恒妻遺腹生子以貞自守卒年六十二

廖氏諸生馬暹妻二十五歲而寡苦節四十年

胡氏范應泰妻夫亡守志茹檠飲冰人稱苦節二孤皆爲諸生

黃氏羅鴻祚妻夫死撫孤以節終

胡氏諸生吳光斗妻家貧或諷其改適氏毀容自守

克完其節

謝氏羅孔琦妻年二十一夫死宗族憐其節爲立嗣

嗣挈子外出不返氏守節如初

賴氏鍾日元妻青年守節紉績以養翁姑撫孤子成

人年七十餘卒

嚴氏鄒兆績妻年十七夫死嗣孤復殤氏勵節益堅

年六十卒

李氏馬于驥妻夫亡無嗣以節終

金氏戴楫人妻夫死無嗣苦守至九十歲歿

李氏不詳其夫以節終

婁氏廖士俊妻年二十五夫亡守節撫孤子謙孫宣

翰皆庠生

吳氏李常春妻夫死翁繼亡人有陵之者氏吞聲勵

節數十年人服其操

胡氏黃文揚妻夫卒家貧苦志育孤守節數十年

劉氏黃金鼐妻夫歿撫孤孤夭撫孫以壽終

周氏庠生姜兆鴻妻夫死守節年八十餘卒

劉氏周文新妻年二十二夫亡立節撫孤孤亡無嗣

復爲立後

馬氏李恒秀妻年二十一而寡事孀姑撫幼子甲寅之變益勵清操

蕭氏廩生曾其慎妻夫亡子幼立志訓孤完節以終張氏庠生項朝傑妻年二十四而寡甲寅耿逆之變氏侍姑疾不忍逃乃穿墻爲竇日隱墻隙中夜出奉湯藥以節孝聞

段氏許士遠妻年二十二而寡苦節四十餘年胡氏郝綿慶妻夫死家貧親老子幼苦守數十年卒完其節

范氏馬夢熊妻家貧立節事姑育子冰霜自凜

羅氏張崧妻夫歿家貧忍饑養姑人稱苦節

蕭氏陳元英妻夫死事祖姑以孝聞

俞氏康爾明妻夫死守節以壽終

張氏監生謝尚聘妻夫歿養姑育子並撫夫弟成立

賴氏陳從旭妻年二十二而寡苦守數十年克全其

節

羅氏劉忠漢妻夫歿事孀姑撫孤子貞操凜然

巫氏段茂泰妻夫亡撫孤孤亡撫孫以壽終

賴氏鄭維楫妻年二十二夫亡孝事舅姑子祖訓爲



郡諸生

彭氏胡士唐妻夫死守節

張氏鄭士鑑妻年二十五夫亡無子事姑立後以節

終

廖氏鍾邦光母夫死撫孤人稱苦節

胡氏賴洵妻夫亡奉姑育子守節終老

鍾氏夏功豫妻年二十四夫死家貧卒完其節

項氏龔日光妻夫亡育孤苦節數十年

吳氏官兆俊妻年二十一夫死繼姑欲奪其志氏矢

志靡他人稱勁節

藍氏監生陳于笏妻年二十四夫死事姑克盡孝道

張氏江文聚妻夫歿養姑無子冰操凜然

陳氏李雋人妻夫外出道歿撫孤立節四十餘年如

一日

王氏李希源妻夫歿翁與子相繼而死遭家多難不

改貞操

邱氏李自涵妻歸一載夫外出不返或傳其道死家

貧無以為生舅姑令改適氏不可傭簞舂以奉甘

旨數十年如一日

王氏李調涵妻年十九而寡屢欲身殉姑泣諭以立

後乃止卒年六十六子嵩雲孫發源登乾隆壬申  
進士人以為節孝之報

藍氏段文璣妻夫亡四子俱幼氏苦志育孤教之成  
立年六十四卒雍正間 旌

張氏諸生陳禹範妻年二十二夫卒勵節四十載

賴氏諸生吳炳妻年二十五而寡治姑喪盡禮撫孤  
成立歷數十年

李氏賴學鑑妻年二十六而寡嗣孤謙復天與孀媳  
相依為命

傅氏巫如鏡妻年十七于歸二載而夫病篤謂氏曰

吾死如親老子幼何氏斷指自誓及夫殯殮畢屢  
自縊俱以救免勵節五十餘年孫上厚諸生

胡氏羅承祺妻年二十夫客死氏勵志育孤以紡績  
所入命其子負夫骸歸葬年七十二卒

李氏諸生范鎮吳妻年十七于歸四年而寡苦節五  
十年雍正間 旌

郭氏藍士熙妻夫死苦守四十餘年雍正間 旌  
蔣氏劉翰錫妻年二十三夫死守節乾隆間 旌

周氏李功偉妻年二十三而寡孀居四十八載子應  
發孫淳漪俱諸生

黎氏羅惟賢未婚妻惟賢卒氏聞訃卽求奔喪父母  
不許遂絕粒數日父母不得已乃歸羅孝事舅姑  
年二十五以不勝哀而死

許氏黃友聲妻年十九夫死守節卒年六十三

羅氏黃能貽妻年十九而寡勵志育遺孤苦節六十  
三載

熊氏儒童王化熙妻年二十守節事姑以孝聞撫諸  
姪如已子年五十三以節終

戴氏諸生許世琳妻琳死氏年二十二繼夫姪爲恭  
爲嗣克底於成食餼於庠

黃氏胡淹妻年十七歸胡二載而寡家貧夫弟二人  
俱幼氏並日而食紡績供糜四十八年中隣里未  
見其面

劉氏羅封臣妻年二十四夫亡冰霜自矢事祖姑舅  
姑克盡婦道教子有成以節終

賴氏王廷材妻青年矢節紡績課子卓然成名奉  
吉祀節孝祠

官氏熊文淵妻年二十四而寡守節四十八載

段氏蕭尚仁妻年二十八夫卒事祖姑育孤子五十  
二載白髮全貞

陳氏許光輝妻年十八夫病篤託以奉親氏含淚允諾及夫卒剪髮以殉事舅姑孝敬讓已奩於小姑守節四十餘載

劉氏李青母年十九而寡苦節四十餘年

涂秀鳳戴家垣妻年二十一夫亡子甫八月氏念孀姑衰老孤子伶仃茹檠飲冰四十年如一日

康氏諸生陳鎔妻年二十五夫死守節歷三十六載足不踰閩

巫氏黃映熙妻映熙死氏年二十二恐死撫孤卒年六十六

顧氏鍾純祿妻年二十而寡事公姑撫孤兒孝育兼至守節三十四年

劉氏張次謨妻年十八夫亡青年苦志撫孤完操

郝氏李玉荆妻年二十八夫卒撫孤食貧茹苦兩目失明守節四十一載

周氏黃安仁妻夫亡守節立嗣承祧

王氏夏之韶妻年二十五歲夫亡撫二孤成立

藍氏王元璧妻年十八夫卒撫前妻子如已出守節

三十一載

王氏董其瑞妻年二十五夫亡貧而撫孤守貞四十

七載

江氏馬健士妻年二十八夫亡撫姪為嗣守節六十

九載

鄒氏馬權亨妻年二十八夫死家貧事孀姑撫幼叔

孝敬肫摯守節三十一年

鍾氏劉上達妻年二十八夫亡忍死立祧辛勤守節

卒年六十九

江氏馬翰臣妻年二十七夫歿撫孤孀居四十四載

康氏黃倬如妻年二十而寡矢志撫孤孤歿撫孫守

節五十二年

賴氏庠生范士熊妻年十八士熊歿撫遺腹孤苦節

四十一載

李氏鄒尚蕃妻年二十四孀居事翁姑撫孤子慈孝

克全卒年七十八

范氏增生賴進階妻年二十五夫亡撫孤成名守節

四十八載

李氏段茂恩妻年二十七而寡事耄姑育孤子守節

五十四年

石氏伍憲文妻年二十八夫亡茹苦撫孤為未亡人

者三十年

曾氏熊鳳山妻年二十八夫亡翁目瞽事之惟謹四十五載足不踰閩

賴氏劉新祚妻二十七夫死苦守三十二年以節終黃氏張志琦妻年二十九夫卒矢志撫孤礪節四十

載

周氏胡深妻年二十五夫卒欲以身殉從始命撫孤守節五十二年克全冰操

唐氏康學倫妻年二十而寡事姑撫子守節四十四

載

曾氏羅應楨妻年二十八夫亡終身苦節卒年九十

四

陳氏羅應琨妻年二十七夫亡稱未亡人者六十一

載人欽其節

李氏胡光璉妻年二十二而寡矢志撫孤四十四載

蔡氏李希泌妻年二十夫亡立志守節歷三十三載

鄒氏馬登泰妻年二十五而寡事姑訓子守節三十

二載

江氏馬隆勳妻年二十四夫死喪目毀形苦節終身

江氏馬權豐妻年二十五夫亡撫孤有成艱辛四十

七年

江氏馬子盛妻年二十四夫死子殤奉事翁姑以婦  
代子苦節五十二載

鄒氏馬順騰妻年二十四夫亡事翁姑撫幼子守貞  
四十九載

葉氏廩生脩廷謹妻年二十二廷謹卒事姑訓子各  
盡其道卒年五十三

羅氏貢生曾日景妻年十九夫亡青年苦守趾不易  
方者四十二載

朱氏藍應森妻年二十七而寡慈孝兼盡守節四十  
四年

劉氏蕭應文妻年二十八夫亡撫孤孤亡撫孫屢遭  
家難厲志益堅歷四十三載

黃氏羅承昕妻年二十四守節遺孤甫三月荼苦備  
至撫兼以教年七十卒

華氏蕭廷球妻年二十四夫亡上事翁姑下撫幼子  
厲節四十一載

童氏黃永清妻二十六歲夫亡家貧紡績苦志四十  
九年

林氏李孝緒妻年二十一而寡爲夫立嗣撫育有成  
黃氏庠生劉宗寬妻二十四夫亡孝事翁姑恩撫嗣

子卒年五十五

維氏王任卿妻年二十八夫亡撫遺腹孤苦守至八十二

張氏王以幹妻年二十六夫亡冰操不二

官氏陳元霖妻夫死家貧紡績育孤卒年七十六

胡氏張齊裔妻年二十夫死苦志撫孤守節三十二年

溫氏吳廷齡妻年二十五而寡勞瘁育孤卒年六十

六

伍氏曾溥妻年二十九夫死苦志撫孤三十一年堅

貞自矢

鄒氏馬守亨妻年二十八夫亡撫孤孤歿撫孫終身苦節八十一卒

巫氏吳位宗妻年二十二喪夫事姑孝訓子有方以節著

黎氏范祖質妻年二十二夫亡投繯救免誓死靡他守節三十五載

陳氏邱殿元妻年二十八而寡孀居五十一載終完其節

康氏曾錦妻年二十七夫亡事翁姑育孤子守節三



十年

李氏閔天臨妻年二十六夫死事育不虧

康氏林禹人妻二十五夫亡終身節操人皆敬服八十四歿

王氏林韻士妻年二十二夫亡孤天事姑撫媳苦節四十五載六十七歿

黃氏林世龍妻年十九夫卒立視守節三十載

袁氏彭敬脩妻夫死奉姑曲盡婦職守節三十九載  
熊氏庠生鄧允恭妻年二十五夫亡矢志守節歷四  
十載

吳氏袁會奇妻年二十三夫卒育孤孤亡育孫守節  
四十七載

黃氏賴大經妻年二十四夫卒貞靜自持以節終

鄧氏黃夢祥妻年二十八夫卒守節三十六載

馬氏王仲美妻年二十八夫卒矢志撫孤愛不弛嚴  
卒底於成

章氏賴良章妻年二十六夫卒矢志撫孤守節三十  
五載

張氏羅又新妻年二十三而寡事翁姑撫孤子白首  
完貞

張氏范璘妻年二十夫死立嗣復天零丁孤苦以節終

謝氏胡文烜妻年二十夫卒姑繼歿撫夫弟育孤子孀居二十八載饑寒困苦云

陳氏羅承新妻年二十五守節孤子遴任方五齡訓以義方以諸生貢成均人多賢之

藍氏吳日章妻年二十七歲夫卒家貧子幼仰給於兄苦節五十三載

何氏廩生李愈妻年二十八而寡厲志守節白首完操

胡氏庠生黎祁遠妻年十八祁遠卒爲夫立嗣嗣復天與媳共守以節終

黎珍刑部侍郎致遠女許字年家子武進須朝懋贅汀未二稔朝懋遘羸疾以死氏仰藥投繯誓以死殉家人護之密得不死且責以撫孤女報地下未幾女亦天侍郎故清廉歿後家益困氏茹荼苦以不舉火爲常歷十餘載潛居斗室每朝夕臨風涕泣以不得歸侍尊章爲憾人以節孝並稱焉乾隆間旌

胡氏羅起潛妻羅生故有才疴瘵以天氏故漢陽太

守學成女兒也讀書知大義夫死無子七日不食  
誓從地下時太姑年老勉以繼嗣且不忍老人哭  
孫復哭媳也乃供孝養滫瀡必敬立嗣爲已子督  
課膝下足不踰閩年八十餘卒

史氏臺灣千總許廷焜妻夫死臺灣氏慟絕復甦絕  
粒六日家屬勸以植孤爲重時家徒壁立盡質衣  
珥延師課子督責日嚴子國器弱冠補弟子員旋  
食餼其妯陳氏蚤寡與氏以鍼黹佐饘粥人稱一  
門雙節

陳氏廖增妻增死力撫雙孤刻苦教讀期以有成以  
針紉謀朝夕每雪夜霜晨十指凍裂不少息一燈  
熒熒課孤膝下人稱賢母云

王氏李際亨妻少年苦節家日貧苦三旬九食以撫  
其孤

戴氏監生賴瑢妻瑢以弱冠遭疾氏典脫簪珥調治  
葭苓不愈日夕禱天祈以身代及死入室自縊救  
復甦矢志上奉翁姑下撫孤兒不出戶限者四十  
年內治稱嚴肅焉

魏氏范進妻年二十四而寡事舅姑孝撫幼子復撫  
孤孫歷四十五載趾不易方

熊氏胡德忻妻十九歲于歸未三月夫歿誓志不移  
守節五十年乾隆間 旌

傅氏董廷試妻年二十而寡養親教子勤苦備嘗苦  
節五十二年乾隆間 旌

王氏鄭宏道妻十八歲娶居親老子稚力任孝養以  
代子職守節三十七年乾隆間 旌

黃氏劉炫所妻炫所生子日曜而卒氏年二十六忍  
死育孤長為娶婦未幾日曜復夭媳陳氏與姑冰  
霜競潔各年七十餘卒

陳氏曾時萬妻年二十八夫死矢志育孤守貞三十

七載

以上  
長江

雷氏諸生陰繼善妻夫死值變亂氏幽苦撫孤年八  
十卒二孤皆籍諸生

邱氏巫大忠妻年二十二大忠卒撫孤士選為娶婦  
羅氏士選復天遺孤近斗姑媳相依為命後近斗  
為諸生

黃氏伍雲路妻夫亡子幼貧難自立或勸改適氏誓  
死鞠孤年六十五卒

陳氏周國烈妻國烈以冤死於贛氏罄產歸夫櫬時  
有負夫貨約值三百金或令其鳴官氏曰吾以年

少新寡與駟僧詰是非卽得金身不值一錢矣貧  
苦日甚兩姓互謀奪其志且刳制之氏痛哭自縊  
旋救免究以憂損而卒

伍氏縣丞巫如衡繼室如衡署蒼梧篆城陷死之氏  
矢志育孤以節聞

謝氏年十七適賴欽化欽化病革以老母家貧爲托  
氏堅任不辭或有諷其改志者氏輒唾罵之年六  
十六卒

羅氏徐壽隆妻夫亡有謀奪其志而毒其孤者氏以  
死自誓乃得免次子明登頓天長子又靖補諸生

復亡育孫世植瓊皆有聲庠序年八十二而卒

王氏黃家議妻家議卒孤方襁抱寇黃通利其貨襲  
城首至其家氏與孤遠避得免而家亦落食貧茹  
苦不以楛菹改度

伍氏黃家瓊妻年二十八夫與子繼亡氏毀容茹血  
者三十餘年時三世墳久缺羨黍因收骸塋祖塋  
之次告於族請邑令祝文郁題祖墓碑過者賢而  
哀之

伍氏謝憲璞妻夫死遺孤維翰氏厲志苦守教子成

立

伍氏王三楚妻夫死守節至老

陰氏王璉妻璉死氏苦守數十年

王氏張萬啓妻夫歿養庶姑鞠幼子以節孝聞

楊氏諸生伍建中妻夫死守節子日昌籍諸生

曾氏黃維嶠妻維嶠客死屏當奩資迎柩歸家貧紡

績奉舅姑以糠粃育子女已則屢枵然也以壽終

太史王步青爲之傳

吳氏伊鏐未婚妻伊病篤氏奉父命視遂矢志不嫁

居小樓趾不下梯苦守三十二年卒

葉氏葉表女適同里雷用春用春卒氏矢志撫孤孤

天撫孫苦守六十餘載

李氏諸生黃欽桂繼室嫁十年而欽桂死氏紡績育

孤五十載冰操自矢

曾氏吳正恒妻夫死家貧奉姑育子以節終

劉氏巫士良妻年二十二夫卒翁相繼歿外侮日至

氏隱忍存孤子近賜爲諸生

謝氏張善馨妻張死氏年二十二時多勸其改適者

氏矢志育孤竟以節著

雷氏薛允吉妻年二十七而寡有欲奪其志者氏聞

大慟以死自誓絕不見人年八十餘卒

官氏吳榮柏妻年二十七夫卒奉姑育子紡績終身  
黎氏伊舜遜妻舜遜應試卒於省氏痛不欲生苦志  
育孤以節終

陰氏巫永煥妻永煥死撫孤有成冰操不二

吳氏張運其妻年二十六寡女紅度活課子善謙籍  
諸生

張氏雷萬憲妻萬憲死氏年二十一奉老姑哺幼子  
守貞四十餘年

巫氏庠生雷秉義妻夫卒守貞不嫁秉義弟秉剛秉  
章相繼夭妻謝氏陰氏俱以不勝哀死秉義父旋

歿氏與其姑伍氏煢煢相依人皆哀之

伍氏王汝霖妻年二十六夫死爲夫立祧卒年八十  
九

官氏諸生吳恩振妾夫死苦節三十七年

黃氏陳有印妻年十八而寡守節四十餘載

俞氏巫國憲妻年十六歸巫二十一而寡足不踰闕  
者四十餘載乾隆間 旌

雷氏謝朝鼎妻青年矢節事姑至孝撫孤馨方五歲  
訓課成立祀節孝祠

黃氏雷寧泰妻夫死守貞五十六載乾隆間 旌

陰氏黃時麟妻氏年二十三而夫卒事老翁育孤子  
以節聞乾隆間 旌

王氏陰養善妻夫死孀居四十九年乾隆間 旌

邱氏官大埔妻年二十一大埔歿遺孤曰度在孕氏  
忍死哺孤曰度又夭與媳邱氏相依人稱雙節

乾隆間 旌

宮氏諸生雷常緒妻十八歲歸雷二十四歲而寡矢  
志撫孤卒年八十四

張氏伊王臣妻王臣死氏年二十五荼苦四十五載

陰氏諸生雷羽威妻年二十三夫死勵節四十一載

黃氏諸生羅文成妻文成死氏年十八遺孤在抱繼  
姑欲奪其志氏曰從一之義聞之稔矣如必相強  
有死而已卒以節終

雷氏諸生吳淑昌母年二十八而寡育三子有成長  
淑昌復不祿妻雷氏年二十四撫遺孕與姑冰雪  
齊清

伊氏羅登相妻登相客外道死氏年二十三期以身  
殉念姑瞽無依子幼誰哺乃忍死守貞荼苦數十  
載

劉氏諸生伊志行妻年二十五夫死勵節育孤卒年



九十二

陰氏張良仲繼妻嫁甫一載而寡矢志育前妻子足不履庭者三十餘年

吳氏伊爲城妻年二十六而寡勵節撫孤孤卒撫孫哀痛撫孤長成

施氏黃成務妻夫死年二十四紡績育孤以底於成吳氏諸生薛榮妾夫死吳年二十二或勸改適吳持刀欲自殺守節終身

季氏吳日暄妻年二十一夫卒事舅姑育幼穉冰操凜然

陰氏訓導陰永康女年十九適同邑伍嗣寬嫁六載而夫死守節終老

張氏楊向日繼妻向日卒氏年二十七紡績度生至六十乃泣告夫族乞立嗣族人嫌其貧無應者乃立養子爲後年七十餘髮黃齒落罕至外庭

聶氏黃允富妻年十八于歸二十四而寡持家政育幼孤卒完其節

雷氏謝崇妻崇沾惡疾不可治家極貧令其改適氏痛哭不從及夫終紡績育子年六十八卒

巫門四節巫景雲妻陳氏年二十七夫卒撫孤孤夭

撫孫景雲弟壽利壽永鍾秀相繼歿弟婦羅氏年二十五陳氏年二十三朱氏年二十一俱堅貞守志白首完操

劉氏雷名揚妻年二十六夫歿矢志靡他守節數十年乾隆間 旌

朱氏邱恩選妻于歸八載而夫歿親操井臼以奉尊嫜辛勤兼至守節二十一年卒乾隆間 旌

張氏丁乾綱妻二十四歲夫歿哀痛投繯至再姑解救得止事翁姑盡孝教子成立守節三十五年

乾隆間 旌  
以上寧化

福建續志卷六十九

列女十一

汀州府

國朝

節孝

楊氏鄒欽榮妻幼聰慧承順父母年十八適欽榮事翁姑孝年二十四夫歿水漿不入口者六日矢志守貞足不踰閭教子有方守節四十年年六十四卒孫國啓妻陰氏事祖姑以孝相夫以義年二十而寡孤子甫數月仰事俯育曲盡孝慈守節二十

五年卒人稱一門雙節

伍氏生員洪基女秉性貞淑年十五歸曾春琬奉翁姑無間言嗣春琬病氏日夕侍湯藥夫故氏甫二十五痛哭絕粒者數日遂矢志孀守勤紡績以代養撫子茂對補諸生乾隆間 旌

朱氏邱恩選妻年二十于歸以孝謹聞恩選病氏勤女紅以助藥資二十八夫歿家赤貧氏父母欲令改適氏卽痛哭毀容依伯氏奉翁姑伯氏又卒繼嗣復絕影隻形單終始不踰節者二十一年乾隆

間 旌

劉氏雷名揚妻十九歸名揚翁姑已故氏克盡婦職生子殤二十六夫故氏念祖父母尚存恐無以養矢志孀守迨夫弟侄繼歿夫嗣乏人氏煢煢一身忍饑勤績留有餘以為祖父母養生送死之費孀守三十三年乾隆間 旌 以上寧化

伍氏劉欽向妻永康令可願女年十六于歸二載夫亡舅姑已老夫弟尚稚孤兒在抱氏惟紡績以孝養守節四十年雍正間祀節孝祠

鄧氏余焯妻年十六于歸二載而夫喪事育兼至苦節四十年

伍氏庠生裴方恒繼室方恒卒欲從死既而曰吾初歸夫已宿疾護之十年早知此身當老死孀幃矣前婦子幼育孤吾責也黽勉治喪哀而衷於禮子起蛟孫敏生徽生皆諸生

李鑑金伍翰生妻年十六適翰生二載而寡遺孕五月或憐其幼以微言嘗之氏以死自誓食貧茹苦撫孤有成孫文運成進士

雷氏伍如松妻夫死家貧織紡育孤以苦節著子利仁諸生

徐氏雷崑侯妻年二十四夫死奉姑育子守節五十

年

雷氏鄧晞妻年二十六夫死欲身殉舅姑勸以立嗣存祧乃毀容勵節育孤有成

黃氏鄧昉妻年二十四而寡與妯雷氏冰霜競潔人稱雙節

孫氏李聯章妻年二十九夫卒忍饑撫孤事舅姑以孝聞乾隆間旌

王氏英應昌妻年二十九夫歿奉姑育子足不出戶者六十年以上清流

曾妙珠楊勤繼室歸一載而夫歿前妻遺二子氏紡

織以育之卒至成立孫喬曾孫有齡元孫岳皆舉  
於鄉人稱母德云

梁氏羅文耀妻年二十一而寡以節自矢及病草出  
髮一絮曰此汝父所與我永訣者死則置我棺中  
子開先諸生

官氏李希仁妻年二十八而寡長子君平爲寇所掠  
氏罄產以贖食貧茹苦處之晏如卒年八十五  
邱氏監生謝良鵬妻年二十四夫亡孝事三姑教育  
諸子俾克有成年六十九卒

謝氏李如岐妻如岐歿氏年二十六勵節育孤以至  
於成

梁氏庠生葉常釗妻年二十二而寡夫弟歿與其姊  
共守後兩姪及孫相繼夭三婦皆青年守志人稱  
一門五節

余氏曾伯起妻年二十五夫卒遺腹生一子舅姑憐  
其幼微諷之氏以死自誓守節四十三年卒

賴氏諸生余自達妻年二十六夫死事舅姑育孤子  
守節三十餘年

余舒娘揭長生妻年二十六而寡欲以身殉因親老  
子幼恐死支持家事勤紡績以易米薪孝於姑篤

於族和於鄉里教子有成守節四十餘載乾隆間

旌以上歸化

錢氏周廷瑚妻年二十七夫客死氏聞而觸柱以救  
甦姑泣慰以楮孤為孝遂以節終

羅氏周天銘妻年二十二守節績紡上奉三世訓孤  
子以義方里稱賢孝

蕭氏賴昌貴妻年二十二夫死建寧舅姑陰許黃姓  
誰以母病使歸至彭坊橋始覺乃出輿大哭割髮  
為誓饑寒困苦至死無怨言

陳閏玉李家順妻年二十四而寡欲以身殉姑苦勸  
乃止勵節六十年

楊金秀傅良种妻年十九夫死紡績養姑以節孝聞  
楊寶金李席珍妻事姑孝姑病禱於神有異蹟人皆  
異之

錢氏江九廸妻年二十三而寡矢志守貞撫夫兄遺  
孤如已子長為娶婦年九十卒

魏氏許聘吳人岌家貧不能娶不知所之氏聞  
姑病無依遂奉姑命來歸後姑卒殯葬如禮年五  
十餘未嘗見夫面絕跡母家食貧以老

王氏陳懋誠妻年二十五夫死自投池中以救免姑

染瘋疾背負出入無怨言卒年六十七子驚海諸生翁未嘗見夫面翁相母家貧食以菜

張淑貞項科寶妻年十七歸項一月而寡茹苦育嗣孤以節終人與入與家食不漸變不映想之其間

鍾德金項兆珠妻年二十夫死紡績鞠孤苦節數十

梁氏謝應橋妻年十九夫死孤永奕方三歲次僅彌月家貧灌園自給永奕娶婦揭氏生四子而亡姑

媳相依俱年八十餘卒  
李潤童祖榮妻年十七歸童二載而寡艱貞五十二

年

沈氏童尚鴻妻夫貧早逝氏并日而食延息三十餘年子業商家漸饒裕氏勗之以多行善事遂於三望坪虎忙嶺建亭砌路以利行人

謝氏童亨盛妻年十六歸亨盛甫一載而夫死足不出戶忍死養姑

謝氏張瑞河妻年二十而寡矢志育孤年七十二卒  
乾隆間 旌

羅氏謝恩拱妻夫死誓不欲生勉承姑命以撫藐孤  
守節六十餘年乾隆間 旌

沈氏謝恩振妻年二十一而寡立姪承祧守節三十一年乾隆間旌

錢氏羅其超妻夫死家貧績紡奉舅姑子獻朝爲諸生乾隆間旌

陳氏羅立兆妻年二十二夫歿食貧作苦奉姑以孝苦守四十餘載乾隆間旌

黃茂香項璠妻年十八而寡有欲奪其志者氏貞操自勵育孤有成孫文鳳人龍俱諸生

余順羅魁元妻魁元未婚客死氏年十六誓以身殉兄公尚志許以撥田立嗣乃矢志撫孤卒年七十

三

董氏黃孫震妻歸二載而夫卒家貧子幼或諷以它適氏泣曰黃氏僅一綫之孤或有二心三世之鬼餒矣恐死鞠孤人欽苦節

陳氏羅應元妻年二十四夫卒事嗣姑以孝聞雍正丙午歲祔氏令其子麟光出所有以賑饑年七十郡守曾曰瑛旌以節孝

傅氏湯朝鰲妻年二十五夫死飲水茹苦六十餘年華氏蔣心洽妻年十七于歸一載而寡勵志苦守項氏湯仙五妻年二十一夫死孝事耄姑足不出戶



吳氏蔣心浹妻年十六未嫁而夫病父母遣歸蔣侍湯藥未幾夫亡恐傷舅姑心吞聲忍泣以教嗣子補弟子員

張素清李兆驥妻嫁甫三月夫客死矢志育嗣六十餘年

羅氏黃孫芹妻年十九夫死育遺孕松度松度復天婦童氏年二十一奉姑以終時稱雙節

黃瑛謝霞龍妻年二十四夫死家貧紡績度日孀居五十餘年

黃氏陳兆璿妻年二十一而寡奉姑育子守志以終伍梅魁江學洙妻年十九適江盡婦道夫歿自縊以救甦姑泣勸乃強存餘喘苦節數十年

黃婦英陳兆洙妻年十五歸兆洙八期八而寡奉姑育子以完節稱

李氏謝占熊母年二十一夫卒矢志守節數十載不出戶庭

李氏黃學成妻夫早夭氏奉姑育子守節四十九年李氏童佩誠妻二十四歲而寡食貧守貞育孤成立

事翁姑孝敬無違乾隆間旌羅氏謝售妻歸謝數年而夫卒悲憤嘔血孝事舅姑

撫遺腹子慈而能誨以至有成乾隆間 旌

劉氏黃孫琳妻年二十而寡矢志撫孤子蓮諸生

楊氏邱龍全妻夫死年十八守節六十三載

李氏謝聖恩妻年二十一夫歿矢志守節以古節婦

自範數十載足不踰閫乾隆間 旌

以上連城

傅氏袁某未婚妻某死奔哭極哀誓以死殉翁姑曲

慰之氏執禮孝養終完其節

吳氏羅誥甫妻年二十而寡子天祺爲諸生吳乃見

齒一笑五十年未嘗有也

葉氏邱龍德妻龍德贅於武平葉姓甫九旬而逝氏

兄利富室貨廼令改適氏誑以夫骸得歸塋惟所

命兄與之歸謁邱氏祠旋廼寧家氏操刃自矢曰

今日乃得爲邱家鬼如苦相強有死而已居小樓

以紡績所入塋夫先塋側厲節四十年卒

黃氏監生邱埏妻夫死守節有夫族孀婦貧無依衆

勸其改志氏給粟布二十餘年俾以節終雍正丙

午乾隆丁卯歲饑賑粥捐百金於宗祠供子姓膏

火孫德孚爲諸生

邱氏李瓚妻年十五歸李二十一而寡爲夫立嗣事

耄姑盡孝乾隆間 旌

游氏鄒學聖妻年二十一夫亡事舅姑育遺孤以節  
孝聞乾隆間 旌

陳氏丁粹詣妻年二十六夫亡事舅姑盡孝姑病爲  
之舐目守節四十六年乾隆間 旌

邱氏羅廷棉妻十七歲于歸善事祖姑越五載夫歿  
苦節自矢乾隆間 旌

賴氏江懋堅妻夫夭遺孕生男撫育有成孀居三十  
五載乾隆間 旌

邱氏莫賢祖妻年十八歸莫二十七日而寡屏絕膏  
沐言不出閫歷三十餘載乾隆間 旌

邱氏吳玉如妻年十八歸吳二十一而寡撫孤孤夭  
撫孫守節歷六十五載卒

孫氏張珮妻事姑以孝夫卒無子氏矢志不二雖饑  
殍不繼沒齒無怨言

胡氏郭連叔妻年十七歸郭十九夫亡姑耄遺孤四  
月紡績以供事育後孤復殤爲夫立後兼哺幼姪  
歷五十年足不出閫

賴氏諸生詹大謀妻大謀赴鄉試道卒家貧無子氏  
痛不欲生旣而曰吾不苟延視息老姑何依且吾  
死誰爲夫立嗣者杜門紡績女子四人俱擇士人

嫁之聞夫有姪客於粵偕弟往招之還姪不可氏  
痛哭而歸賣志以歿

林氏郭日恒妻年二十六夫歿氏勺飲不入口數日  
強延一息奉姑教子卒年八十一乾隆間 旌

張氏劉常信妻早歲夫歿矢志撫孤苦節四十二年  
卒乾隆間 旌

石氏陳尚仁妻年二十一夫亡翁姑白首稚子呱啼  
仰事俯育氏以身支柱守貞完節卒年六十二  
乾隆間 旌

劉氏貢生葛建春子裔商未婚妻裔商病歿氏誓志

奔喪撫嗣子入成均父母晚年喪子無依氏生養

死葬立祭田俾族人歲祀年五十二卒乾隆間  
旌

林氏劉能光妻十八孀守奉姑必備甘旨訓督嗣子  
有成守節三十五年

羅氏郭英度妻十八歲而寡遵英度遺言以奉親撫  
嗣為任孝慈兼盡乾隆間 旌

羅氏陳同姚妻十八孀守事翁及繼姑盡禮教子義  
方乾隆間 旌

陳氏郭萬都妻二十三夫歿守節四十四年萬都弟

廷品妻嚴氏十八于歸未數月夫歿守節四十四年妯娌雙節乾隆間 旌

張氏黃兆甲妻夫歿矢志勿貳歷四十九年子楊妻葛氏十五歲歸楊二十三而寡守節三十年始媳兩世勵節乾隆間 旌

丁氏林雲光妻二十四而夫歿事翁姑克盡婦道教子有成守節四十年乾隆間 旌

何氏諸生羅廷萊妻廷萊天矢守者三十餘年舅姑塚為豪家擱估氏訟之官得復塋焉以上上杭

王雪姑周大千妻年十七于歸越二載夫亡守節不二六十一卒乾隆間 旌

徐氏危其樑妻年十九歸危越數載夫亡紡績撫孤苦節不渝卒年八十乾隆間 旌

張蓮玉練在涓妻未婚而大病氏泣告父母趨侍湯藥嚙指禱天願以身代未匝旬夫亡矢節乾隆間 旌

程氏監生周協翰妻年二十而寡矢志撫孤卒完其節乾隆間 旌

劉氏王錫琨妻年二十二而寡矢志撫孤有成卒年六十三

李氏林維繪妻年十九而寡孤生僅數月忍死撫育  
歷節數十年子樹敏河州州判

丁氏監生石紫城妻年二十七而寡遺腹生子矢志  
撫孤苦節三十餘年乾隆間旌

梁氏庠生練懷釗妻年二十二而寡紡績撫孤苦節  
四十餘年

李鶴齡林景雲妻年二十六夫亡無子矢志撫嗣年  
六十卒

李氏王國壽妻年二十八而寡家貧子幼紡績以事  
舅姑

李德滿鍾超妻二十七歲而夫亡敬事祖姑及姑以  
孝節聞

脩蓮秀監生李漢妻年二十八歲而孀居勤儉撫孤  
守節三十年

陳氏熊湏妻年二十二夫歿事姑盡孝及歿喪葬以  
誠教子以義方乾隆間旌

林氏鍾寧來妻年十九而寡婦代子職奉舅姑必誠  
必敬守節六十年

劉氏熊瀾妻早歲夫歿守節四十四年乾隆間旌  
謝氏邱廷宴妻二十一歲孀守承歡耄翁滫髓必潔

課藐孤成人守節六十八載乾隆間 旌

朱氏李奉賓妻年二十一夫歿食貧勵操苦節三十

九年乾隆間 旌 以上武平

賴氏鄭仲敏妻年十九夫死事舅姑育孤子茹苦數

十年乙卯城陷孤被難悲痛而卒祀節孝祠

蕭氏賴希禹未婚妻希禹卒氏奔喪為夫立後乾隆

間 旌

吳氏江朗辰未婚妻年十七氏聞訃奔哭舅憐其幼

且家貧不忍留氏曰餓死事小失節事大志已決

矣舍此何之遂紡績育嗣孤四十餘年苦節乾隆

間 旌

吳氏鄭閔妻年十六歸鄭二十而寡白首完操乾隆

間 旌

湯氏廖敏求妻年十六于歸甫一載而夫卒艱貞自

矢者數十年

張氏鄭乃和妻年十九夫卒立嗣嗣復天與媳共守

足不踰閩乾隆間 旌

嚴氏盧崇任繼妻年十八歸崇任三載而寡上奉孀

姑下鞠嗣子歷五十九年備嘗荼苦子效平為諸

生乾隆間 旌

廖氏盧子岡妻年十五嫁子岡七載而寡守節四十餘年

張氏温攀桂妻年十八夫死冰操數十年

王氏盧朝策妻夫亡為立嗣以節終

羅氏吳山進妻年十九夫卒苦節四十餘年

吳氏江三植妻年二十四而寡事姑盡孝乾隆間

旌

盧氏熊邦彥妻年二十三而寡茹荼守節孝義兼盡

乾隆間 旌

李氏貢生熊錫應妻年二十孀居撫子成立

孔氏熊光烈妻年二十一孀居兩世冰霜並以節著

童氏生員蕭化龍之孀母年二十四孀居撫孤成立

上事翁姑菽水無缺中處妯娌和敬有加以上俱載

縣志

已經 旌表節孝

丁氏曹潤妻 鄭氏儒童李天元妻 黃氏儒童戴

鏞妻 涂氏儒童曹望祚妻俱乾隆間旌 邱氏官曰

度妻 陰氏劉豹文妻 鍾氏熊嘉謨妻 伍氏曾

春琬妻 伍氏伊肇晉妻 謝氏巫近瞻妻 伍氏

儒童曾宗琬妻俱乾隆間旌 伍氏雷仲祥妻乾隆間旌 清流



林氏郭日恒妻 張氏劉常信妻 石氏鄭尚仁妻

貞女劉氏 黃氏陳興宗妻 邱氏鄭圖南妻

張氏陳科元妻 王氏陳鴻生妻 羅氏闕學洙妻

俱乾隆間 藍氏潘露龍妻 石氏蕭苞九妻 鍾

氏王廷英妻 鍾氏周容妻 王氏林沐妻 鍾氏

熊嘉謨妻 鍾氏何士元未婚妻 王氏儒童鍾衍

舍妻 謝氏儒童鍾翰鳳妻 俱乾隆間

貞烈

梁氏舉人胡祖熹妻崇正甲申避亂為賊所逼墜城而死其屍中流矢瘞之日鏃猶歿於項

陳家婦未詳其氏順治丙戌城陷匿空舍中為游騎

所掠擁馬上行次女墻躍墮城下死

陳淑完劉任國妻順治初避兵外家臨行與家人訣

曰脫有不測當以死殉及城陷被執抱女投河不

獲復投深濠中騎抽刃刺之而死

胡氏郝爾黯妻順治丙戌避兵聽松樓為騎所獲墜

城下溺廁死

鄒氏生員馬大任妻翁姑早背夫死無子蓋棺後自

經以殉同日發引聞者為泣下

張氏李殿鳴妻年十八海寇陷城被執欲污之氏不

屈身中三刃而死

張氏諸生王際盛妻順治間際盛欲挈氏避山中氏曰四郊荆莽笳角驚人出不免辱吾寧守此際盛強之行氏遂投廁中死張有嫂不知其姓亦不辱而死

汪氏劉純錫妻年二十四夫死絕粒家人苦勸以育孤防護甚密氏恐不得殉乃佯作自寬狀至六十日服毒死

梁氏鄭驍妻年十九夫亡無子絕粒而死以上長汀

謝氏邱澍妻順治丙戌田仰潰卒道經泉上里遇氏

欲擁之去氏據地痛罵騎取佩刀刺之未殛遂援

林柯自縊死

傅氏張春雨妻事祖姑及姑以孝春雨疾草與氏訣曰吾無子不忍累汝氏誓相從地下及卒吞金投繯求死屢不獲伺家人防稍疎遂自縊

夏氏陰寧曉妻年二十一夫卒家貧無子遂自縊死  
伍榮巫士龍妻士龍疾亟許以身殉後鄰家失火逼所居兄弟挽之去氏曰夫柩焚與俱焚耳去將安之火亦隨滅及喪至四十九日卽沐浴更衣自縊死

施氏黃鼎世妻黃病卒氏年二十四無子俟夫殮畢  
卽飲藥家人多方救解卒不聽而死

陰湘燮理女適里人伍立翻夫亡閉戶自經翁泣喻  
以立後乃止孤復不育遂悲鬱而死時年二十五  
王氏監生伊茨妾年十四侍茨十五載主君亡投繯  
死乾隆間旌

張氏年十四適陰元吉時元吉已病蠱篤甚值鄰失  
火延所居氏扶夫不起遂與夫同燼

吳氏陰永琰妻永琰卒無子氏仰藥死

以上  
寧化

余氏雷酉生妻年二十三夫卒治喪殯營窀穸及苑

### 遂自縊死

趙氏伍敦倫妻年十八夫卒投繯繩斷不死遂服毒  
家人苦救氏咬齒噴藥卒以身殉

易州知州李文耀繼妻民覺羅氏有陳三觀者強行  
拉姦氏堅不從將陳三觀登時戳死忿激自縊守

正不污捐軀明志乾隆間建坊

旌表

以上  
清流

揭員娘謝兆基妻氏父卒繼母楊氏遺腹兩月有利  
其產而逼之者楊以死誓卒生子氏左右其間順  
治四年賊劫蓋洋兆基遇害員娘抱夫屍大哭罵  
不絕口賊併殺之

江氏舉人曾唯道妻順治初山寇竊發攻黃牛紫氏  
被執罵賊而死

梁氏吳可章妻順治初廣寇攻城氏卽以死誓及聞  
砲聲震地疑城破遂自縊

魏敬娘羅茂端妻順治五年爲流寇所擄大聲罵賊  
同繫者或勸之氏聲益厲遂被害

黃三媽賴章竣妻歸五載而夫歿遺一女欲以身殉  
舅姑苦勸乃止越四載外戚脅令再嫁氏聞其已  
受聘訂期遂自縊死時年二十六以上歸化

林仙月諸生江燦妻順治丁亥土寇陷城氏義不受

辱遂縊死及賊平已一月方就斂顏色不改

桑連姊傅汝璧妻順治丁亥山寇陷城氏攜女三姑  
投蓮塘死

李氏周廷詔母順治丁亥山寇陷城李曰命可舍身  
不可辱偕媳林氏抱幼子投學池死

李官娥林德妻順治丁亥寇陷城官娥不屈自縊死  
楊辛秀年十五許字張昭昭未婚而卒氏聞之投水  
死

吳桂英李兆壅妻夫卒舅姑欲令改適遂飲藥死

李蘭金張鄭保妻年二十二夫死於水舅姑奪其志

氏佯諾拜夫墓歸飲藥死

李細娥張友泉妻事舅姑盡婦道夫卒自縊死

賴氏張子裕妻年二十二夫卒自縊死塋後三年墓產靈芝

鄭氏張愧蘇妻年十八夫卒氏哀而不哭夫殯殮畢自縊死

李佛吉童佛元妻童未娶而卒氏麻衣踊哭求歸童母弗許遂絕粒十日死

曾寶蘭羅周士妻年十八夫亡無子塋夫畢遂自縊族人義而葬之明年塚上遍生蘭花

楊周蓮羅宗萬妻年十九于歸二十四夫死有遺孕

舅姑欲奪其志氏截髮自誓生子復不育遂自縊死以上連賊

劉氏鄧挺生妻康熙初賊劫中都氏被掠據地大罵賊縛而舁之行數武縛解復罵益厲遂遇害

何氏未詳其夫康熙乙卯爲流寇所執以手抱柵欄賊曳之不動乃斷其指引去罵不絕口比臨溪推賊墮水中其黨大怒交刃裂之

張氏傅述妻夫病羸氏傭織以供夫及沒自縊兩柩並瘞越歲而墓合

李氏王永龍妻永龍出耕遇強隣藍佛妹逼污之不從脅以刃氏拒益力被創數刃死乾隆間 旌

張氏葉青山妻張歸寧鄰人曹應長闖於塗欲污之氏力拒奔田夫家羞忿自盡乾隆間 旌

吳金姑黃起鳳未婚妻年十九夫死訃至乞奔喪父母不許且密防之越二十五日乘間自縊死 以上杭

鍾氏聘李生天父母欲改字女矢志不二夫發引日投繯以死

曾氏庠生練斯騰妻年二十二夫亡氏念夫柩未厝忍死營壙延至三旬卒不勝哀以仰藥死

鍾洋娥李慶龍未婚妻慶龍亡氏年甫十八訃聞哀

痛告辭父母自往婿家哭酋八如禮遂吞金死乾隆間 旌

鍾七姑羅聖龍妻年二十夫亡無子凡喪葬之事悉以身任及卒哭絕粒而死 以上武平

吳氏武舉鄭道紹妻嫁四載而夫亡越卒哭絕粒死吳氏廖佩星妻歸廖未二載而夫歿哀泣營殯事畢

自縊以殉乾隆間 旌 以上永定



三才圖會卷之八

三才圖會



